



始 祖 端 公 墓 圖




右圖在瀏邑下北鄉與長邑連界處地名界牌嶺之稍箕坡寅
山申向其龍自河夾坪層巒疊嶂過峽入脉前有心橋後有
白馬塘左右龍虎環抱又有文峯筆立重疊特朝誠卜葬之名
區亦發祥之勝地爰作歌曰行雲莽莽水溶溶四面山排翠幾
重正是牛眠占叶吉九原應笑說黃封

二世祖伯萬公墓圖




右圖二世祖伯萬公墓也脉自影珠峯來四圍羅列對面三峯
矗起若筆架然俯瞰源衝曲折迴環皆爲公墓拱秀水出關山
口踞公墓俯視若洩漏處蓋清都七甲之勝地也山界上齊主
頂左右崎崙分水下抵園壕鑿石爲界俗名楊梅坑是也內墳
五塚最中一塚乾山巽向卽公墓餘亦纍纍完好因碑石滅沒
無從稽查則有疑而不敢臆斷者安得起九原而問之哉茲值
纂修族譜因繪圖作記庶族人開卷了然登山亦不至茫然也

二世祖妣夫人墓圖




右圖由伯萬公墓下至源衝墩右至寒婆廟廟左山徑踣斜行
不數百步山勢如流星下垂截然中斷龍虎山突起作紐抱旋
顧勢最中石墓一座坤山艮向卽二世祖妣喻夫人墓今所稱
爲喻氏坑也來脉去水與伯萬公墓同山界丈尺詳載彭周李
疊批契內先是周遭石砌厯數朝漸就滅沒斷圯荒涼道光初
北門祠捐銀修砌石圍碑記墓前修拜臺數十級自是先靈永
妥爲子若孫者逐年掛掃庶不致對荒叢亂棘而歔歔憑弔云

三世祖英仲公墓圖




右圖在長邑清都八甲古華山下燕窩屋場後癸山丁向其山
自鵝羊寨老祖發脈由管山坳過金甲坳至古華山開障出脈
結成燕窩形勢逆水貪朝前後左右眾山羅列水從梅林橋屈
曲而行直至滄浪橋下始出大溪故堪輿家爭傳爲佳兆云歌
曰滄浪之水水清兮可以邀而以遊念先人之廬墓兮將衍慶於
千秋

四世祖璵琳公墓圖




右圖在滄浪橋上段地名樟樹嘴山內壬山內向脈自管山劫
分落平崗厯畫眉嶺元明寺至雨壇嶺開嶂出脈直落樟樹背
結穴穴左對岸有古華山山陽鰈公壩水勢屈曲朝拱有情右
有啞湖廢溪內隱虹橋一座卽三世祖英仲公所修遺址尙存
又有團山石湖山堵塞水口爲下關鎖鑰眞吉地也爰作歌曰
清溪流水碧潺潺山水滄茫縹緲間大地鍾英曾幾輩至今猶
是錦衣還

七世祖競公墓圖




右圖在瀏邑東鄉道吾山距縣城約二十里許七世祖兢公墓也癸山丁向墓右有興華古寺寺右有老龍潭八角龍井間有蛟龍出沒墓前一字陰砂出水處石壁峭立寬數丈許峽口虹橋一座橋下潭水澄清不識深淺鄉民所稱約絲潭也案外溪水迴環岡巒層疊蓋亦瀏邑之名山爲子若孫者所宜常親而弗諼者焉

八世祖妣王夫人墓圖




右圖在清都七甲地名梅樹塘壬山丙向其龍自寒婆坳出脉
起磨石山下分水坳走天馬山轉行起頂結金星開窩穴左右
龍虎環抱前朝洪山廟雙峯並峙從長樂江之元旋繞至葉家
坊始歸大河而去

八世祖妣劉夫人墓圖




右圖坐源冲黃泥畚辛山乙向脈自影珠山下牛角洞由中埠
入首頓起土星掛角結穴東行數十步卽至伯萬公墓前距喺
夫人墓亦不過半里許能蟠虎伏鵠峙鸞停誠勝境也曰峩峩
此佳城虎伏深松裏千載慶牛眠世代簪纓起

八世祖妣周夫人墓圖




右圖在清都九甲石鼓牛橋下東岸卯山西向脈自古華山後
繞出由易家坳分支走迴龍山至高嶺過峽厯牌樓坳蕭家坳
雪花坳郭家坳逆轉上行結土星開窩正穴左右龍虎重抱前
有石山若印^誠屹立溪邊又有天華貴人對面推來皆若爲穴中
效靈拱秀誠吉地也曰天珍地秘水複山重簪纓繼起食德無
窮

八世祖妣程夫人墓圖




右圖坐梅林橋東岸上手觜亥山已向龍自古華山出脉至趙公廟分支過大山衝峽後逶迤旋轉結犀牛望月形勢前後左右遮護週全水從李家橋來至龜山觜與梅林橋溪水會合而去謹記

八世祖妣常夫人墓圖




右圖在長邑淳都一甲天華山下鳳陽坡艮山坤向龍自影珠
山起祖厯下馬坑青山坳至天華山起頂出脈結成倒地眠本
體本身鰕鬚夾耳左右龍虎環抱水出處又有螺星擋塞不使
直出蓋亦天珍地秘之區也

八世祖妣楊夫人墓圖




右圖在古華山下坐寅向申結成牛角形勢前對花窠名園左
有油榨衝右有燕窩山龍虎疊疊有情山水重重擁護其餘來
脉去路俱與英仲公墓同

八世祖妣黃夫人墓圖




右圖在滄浪橋上瑕地名后較園乾山巽向有猛虎跳澗形勢
踞墓前環顧則桑園坡在其左青山傍在其右前有古華山高
峯筆立又有蝦公壩水勢滌洄東行至瑕林公墓不過數十步
來脈亦同所異者上下山之別耳順流而下則滄浪橋是謹記

八世祖妣毛夫人墓圖




右圖由古華山後繞出至脾樓坳分支至白馬塘尾穿珠起頂
結成辰山戌向一穴穴前見貼體纏護五層其左纏第三層係
二十四世祖白石公墓九世祖妣魏夫人所葬者其右層之第
五也又有鄭家灣湓塘衝二水環其東北荷蓮塘金鏗衝一帶
繞其西南自鐵爐衝順流而下與梅藪溪會合若皆爲此地效
靈者名爲鐵籠關虎信然

八世祖妣鮑夫人墓圖



右圖坐滄浪橋下流南岸地名花萼園乾山巽向脈自古華山
後屈曲而來前迎蛛絲源水作逆結勢故俗名鱖魚上水登穴
四顧則梅林橋據其上游湖塘壩渚其去水對岸盤旋則英仲
公之燕窩也沿溪纏繞則楊夫人之牛角也斯穴也蓋清都八
甲之勝境故得與滄浪俱祖墓同垂不朽云


九世祖明公墓圖




右圖在長沙淳化都六甲栗公廟右側園內上首即可球公房
支祠後宋叅政可明公葬此龍自隱儲大山落脈開障迢遞三
十餘里逶迤起伏旋至台子屋穿田度峽若蛛絲馬跡到頭起
凸結金釵穴前面河水環繞出丙立巽向乃文庫消水下手有
水陸菴關攔緊塞隔河更有一字文星作朝誠吉壤也想當時
義門之盛必迎有國師扞者信然丙子春公之裔孫在明德備
等屬余繪圖入譜以誌不忘公墓有靈非偶然也

可慶公裔孫子黍敬撰

九世祖妣吳夫墓圖




右圖在長邑東鄉清泰都七甲一團上西衝大園嶺對門磨盤
臺屋後首壬趾丙係九世祖妣吳夫人墓也其龍自影珠山直
下雙關石三升灣安坡裏逶迤而至磨盤山結回龍顧祖茵禱
穴前案作一字形重案有珠山屹立若屏障然後有三多礮溪
水屈曲右有界碑嶺左有東茅勘龍虎環抱四維遮護水聚天
星石塘下首田陰砂五層向內關緊雖係流會溪出卯蜿蜒向
株樹山而下誠哉牛眠叶吉馬鬣增封爲子若孫方興未艾蒸
嘗祭掃以展孝思修墓妥幽毋忘木本



右圖 九世祖可洪公之墓也在長沙東鄉烏川洞辰山戌向其山來龍高峻氣象巍巍巒嶂層巒左環右抱堪輿家以虎形命名良不誣也且穴前吐出占唇等級圓滿勘邊有石頭蹲踞亦極自然在昔稱石牛觜全觜膏田九畝左則墓廬一棟皆當日所遺留足供祭掃之用至爲人所瞻仰者不僅在碑誌華表之羅列耳墓後及兩砂間合抱之古木蔽日干霄無有敢侵伐之者故凡遊覽斯地無不一望而知爲陳氏祖墓之所在也其開族發祥不其然乎

圖墓恭祖公祖世十



右圖在長邑尊都十甲下五區學士橋東岸蘇家新屋後係十
世祖恭祖公墓針定辰山戌向